

مکملہ ادبی و سیاسی رسالہ

❁ ادبی و سیاسی رسالہ اسبوعیہ در ❁

۳۱ نجی سنہ

۲۳ ذی الحجہ ۱۳۲۹

❁ پنجشنبہ ❁

جزو عدد : ۱۲۵

سليمان نظيف بكدن برادرينه

بر مکتوب

[سليمان نظيف بكدن مدليده متصرف بولان برادري فائق
عالى بكه ياز: يني بر مکتوبدر كه احوال حاضر هيه شدت
تعاني جهتيله و اوراده كي بر آشنا طرفندن كوند رلسنه بناء
و عينا نشر ايلدك:]

طربزون ، ۱۸ تشرين ثانی ۱۹۱۱

سكا چوقدندر مکتوب ياز مادم فائق . انسان . اندیشه ناك اولديني دقيقه لرده
اعصاب اراده عادتاً فلجه اوغرايور . ايتاليانك آطه لرمزه قدر تشميل تعرض
ايدم چكي انجه بك شبهه لي ايدى . وقايع ، ظن واقعي تايبيد ايدىيور . هايدى ،
تعرض ايتمش . نه چيقار ! . . . مدلى او كنده صاووره جني بر قاچ كوله نك
طراقه سي مونسى ۱) اكنديرسون .

ويقتور هوغو « بن ياشادقجه بتون انسانيته وطنداش اوليورم » ديمش .
غار بيالدينك بو خيالپرست محبي نه اولورسه اولسون و نه ديرسه ديسون ، بن
ياشادقجه وطن و ملتى دها زياده . . . هر يردن و هر كسدن زياده سوييورم .
خصوصيله وطنم صحنه مظالم اولمقدن قورتلقدن و وطنداشلم حر اولمقدن صكره
محبتم عشقه انقلاب ايتدى .

طرابلس غرب و بنگازيده جان ويروب جان آلمقه تاريخ عالمه قانلى وقعه لر
اتحاف ايدن قهرمانلرمن ناموسمزي قورتاردى ؛ دييورلر . بن اق قهرنلري و اق
قهرمانلقلري مادام الحياه تقديس وينه مادام الحياه تقديس ايتملريني اولاد و اخفاده
وصيت ايتمكله برابر ، ناموسك قورتارلمش اولديغه امين دكم . خاير ، نتجه ،

۱) مونس ، فائق عالى بكك سكر آيلق اوغليدر .

مغلوبیت ، هزیمت ، ترك اراضی ، ترك حقوق اولدقدن صكره برقاچ خاطره -
 ولوله دارك نه لطافی اولور ؟ . . . حقوق بشر مجله سندن قوباريله حق صحیفه لر ،
 تاریخ اساطیره علاوه ایديله جك برقاچ سطر ایله تضمینمی ایديله جك ؟ . . . هیات ! . . .
 بوگون شبقده ، پلونه ده بلغار عسکرلری وقور و فریح مانوره لر پایورلر ! . . .
 كرك سیاسیاتده ، كرك طبیعتده اك بیوك ناموس سزاق ضعیف اولمقدر .
 قوتك حتی اولدینی قدر ، حقك ده قوتی وار دیسورلر . آما ! . . . فقط
 قوتك دوبردیکی ، چكندیگی ، ازدیگی حق ، افكار وحشیانك مشی منطقیه
 قوت مغصوبه سی استرداد ایدنجه یه قدر غاصبی یكی بر حق تأسیس و بو ا حق
 ظالم ای انسانیت ، دیگر (حق مغدور) كی تقدیس ایتیه جكمی ؟ . . . اق
 انسانیت ، كه حسن فداکاریسی نمایلات خودكمانه سنه هیچ بر وقت غلبه ایدمه مامشدر .
 غلبه ایتك شویله طورسون فائق ، داما مغلوب اولدی . و اولور .

بشریتك دفتر اعمالیه زبده افعالی كوز اوكننده در . اك مقدس و متین حقلری
 قوتلر ، هم ده خشین و وحشی قوتلر استخلاف ایتش . بز حالا خیالزده کی
 فضائی اشیا به تشمیل ایتكله امیدمزه بر تاب تسلیت ، بر قدرت دوام آریورز .
 بز اورویانك حسن مردیسنه دكل ، كندی قوتمزه كونه لی ایدك . طرابلس غرب
 مسئله سی بزم اینچون بر حیات مسئله سیدر . اق ولایت كندكدن صكره ده بز
 یاشارسق بتون جهانیه علیه مزده بر تمسك تمك ویرمش اولورز .

گوریورم ، یأسدن غلیانه انتقال ایتك ایستیان افكار عمومیه مز فلاكت
 واقعینی ملتك مقدرات عمومیه سندن زیاده ، بر ایکی آدمك و یا بر ایکی هیئتك
 تسلیلیندن منبعث بر بادره صورتنده كورمك ایستیور . بو طوغری دگدر .
 احتمال كه آراد و قوعه كمش زهوللر وار . فقط بز اوج سنه ظرفنده آفریقا
 قومساللرینی بر استحکام آهین شكلنه افراغ ایدمه مزدك . بوگانه وقتمز مساعد
 ایدی ، نه نقدمز . مظاهرت سیاسی مسئله سنه كلنجه : بلكه خاطر لارسك كه
 (تصویر افكار) اك یازیلمی لطفاً قبول ایتدیکی زمانلر ، انفراد پولتیقه سنك
 مهال كندن داما فریاد ایدردم . بونكله برابر ، خارجیه ناظرمن نه قدر بصیر

و مقتدر اولورسه . يازمه جنی نوطه لری یگر می زرھلی ایله بر ملیون سونگونک
بالای تهدیدنن تعاطی ایتمدکجه . باب عالینک شرفلی و یا خیرلی - که اوده شرفلی
دیمکدر - بر ایش گورمه یه جکی ده اوزمان اعلان ایسدیکم قناعتلردن ایدی .
بز ضعفمزله هانکی کتله سیاسته استناد ایتمه یه دیک متفق دکل ، محمی اولوردق .
اویله بر حایت ، که بدل اشتراسی بزه متسلسل و متوالی بر هزیمت قدر آغیرکله جکدی .
متانت ملییه بر حکومت عاقله هم ظهیر ، هم مستند اولورسه بوغالله یی ده
حسن اسکات ایده جکمزده امنیت درجه سنده قوی بر امیدم واردر . و فضیلتلی
آرقادشمز جالک ۱) تمئی ایسدیکی گبی (ایکنجی بر کوپرلی) اولسنه هیچ مانع
بولنمیان صدر اعظم سعید پاشا ان شاء الله بوکا موافق اولور . جناب حق عزیم و توفیق
احسان بیورسون .

باقی سنی و جوجقلریکی تحسره اوپه رک ، هیکزی اؤکوزل مدلی آطه سیله
برابر ، قدرت فاطمه نك حفظ وصایاته تودیع ایدرم ایکی کوزم .

قارداشک

سليمان نظيف

